

44ste Jaorgank

KWAKEL

1996

A
L
A
A
F



F
R
A
N
S
I

Bliefse met mich doorzakke,
den moosse de bus pakke !

De Kwakel is ein oetgaave van ut Kwakel-comité

Vormgaeving en lay-out




44ste Jaorgank

KWAKEL

1996

A L A F



F R A N S I

Blijfse met mich doorzake,
den moosse de bus pakke !

De Kwakel is ein oetgaave van ut Kwakel-comité
Vormgaaving en lay-out



Beste Moerebuuk,
 Ut geweldig goed geslaagdje 4 x 11 jubileum is noeë weer verleje tied. Inne spesjale Kwakel van ut veurig jaor hōbbe wae dao toen ekstra aandacht aan gesjoonke. Zoeë as gae zeetj is deze Kwakel weer in oje stiel trök. Wae hope dēt gae aan deze Kwakel weer not zoeëveul laesplaezer zultj hōbbe as veurgaondje jaore en dēt gae ut dagelikse masker ins kintj aafzätte oom met de vastelaovesdaag flink lol te make onger ut Motto van Prins Frans I. Teves wille wae uch bedanke dēt gae weer eine Kwakel gekochtj hōbtj. De opbringst van daes gezèt kumtj weer tengooda veur de Eller bevolking, b.v. ein biedrage aan ut zekebezoek van alle Eller en aod Ellerminse (woeëndje in bejaardehoeze of verploegtehoeze) en minse die van Ell in ut zekehoes ligge met die daag, en veur de jeugd, de jeugdmiddig op vastelaovesdinsdig. Wae wille de vastelaovesvereniging en de Prinsepare veul sukses winse veur ut seizoen 1996! En alle Moere en Moerinne eine fijne vastelaovend gewinstj!!
 De redaksie.

Welke Eller mins zien beroep (hobby) zitj in dit visitekaartje verborgen?

visitekaartje
 Wiel R. Rijsthoor
 Ell

Oplossing: Steure nao Prins Frans I Breeven 9 Ell.
 Oeterste inzenddatum: carnavalszunjig.
 Priesbekintjmaking: carnavalsmaondig nao de priesoetrekking vanne optocht.

Trökblik

Wae kiekte nog ins effe trök,
 op oos jubileumjaor, want waas ut drök.
 De CD verkoup waas ein grooët sukses,
 zoeë auch de oetrooping van Prins en Prinsos.
 Ein pluimpje veur de twee adjudante,
 die weite want fieüsto is, die weite van wante.
 Miny en Rian keke elke aovendj bliej,
 en sjoove aan inne polenaise rij.
 Der wore veul minse die nao de mäs gonge,
 en ut koeër heet sjooen gezong.
 De zaal waas aafgelaje vol met de sleuteluverdracht,
 en eederein haaj zien muziikkapel metgebracht.
 De burgemeister en zien vrouw haaje ein verzeuk,
 ollie kome met z'n alle nao Neeritter op bezoek.
 Veul boontjeaovendj artieste,
 deeje hun bēst in de cirouspiste.
 De optocht waas eine prachtige boontje stoet,
 met hieël veul minse langs de route.
 En al waas de Raod neet met elf,
 toch ging ut met de vastelaovendj weer vanzelf.

Same maakdje wae weer veul lol en plezoor,
 en dronke os oppe tied ein glaeske beer.
 Joenk en aod sproong weer ins lekker oet de bandj,
 hiej in oos gezellig mooërelandj.
 En Prins Jos zien Motto,
 geit veurtaan zo:
 Met veul zin en ein bitje tied,
 kwoome wae in oos jubileumjaor al hieël wiet.

Waat ich nog woeëj zègge:

Wioj ich ein jaor geleje waerdje oetgerope as Prins vanne Moerebuuk, wist ich nateurlik dèt ut ein drök vastelaovens seizoen woeëj waere.
Dao wore ein aantal ekstra activiteite, oomdèt ich de 44ste Prins vanne Moerebuuk waas.

Die ekstra activiteite hùbbe der noeëw sjaust veur gezurjdj dèt ut veur Nellie en mich zo'n sjoen seizoen is gewore.

Auch oos wichter hùbbe der van genote dèt ze aaf en toe in ut middelpuntj vanne belangstelling stinge en dèt ze later nao bed mochte dan gewoenlik.

Eine Prins meuktj vanalles mèt en dao weurdj van hum verwachtj dèt der veurop geit in lolmake en sojhore mer auch dèt der der veur zurgtj dèt de serieuze kantj mèt die daag zoeë noeë en den aandacht kriegtj.

Wae hùbbe oos bèst gedaon oom aan die verwachtinge te voldoen en achteraaf bliektj dèt ut allemoal vool indrök op oos heet gemaaktj.

Dao zeen wae oos adjudante Dick en Mart, de vastelaoves-vereniging, alles waat dao rondj oom haer huurtj aan (muziek) groepen en comite's, mer zeker auch de Moerebuuk dankbaar veur.

Ich geluif dèt nederein dae mèt die daag mèt-aan gedaon eet of dae in welk verbandj den auch mèt os te make heet gehadj, waal merkdje dèt wae der gèt van probeerdje te make. Gae höbtj dèt auch laote blieke.

Laotj dèt auch aan miene opvolger blieke en steuntj hum zoeë wie djer dèt auch bie oos deedj.

Ich wins Prins Frans en Prinses Gerda met heur gevolg ein sjoen periode en hieël veul succes.

Aafsloete doen ich oonger mien motto:

Met veul zin en ein bietje tied,
kumse allowiel al wiet.

Prins Jos 1.

Proclamatie Jeugdprins Bert en Prinses Linda:

Same: Wae, Prins Bert en Prinses Linda verklaore in aanwezigheid van uch allemoal dèt:

Bert: Ich Prins Bert de jongste thoës en innigste zoon van Maria van Harke oot de pieël en van Pier van Too van Stroeke-Bert, zal met de carnaval de jeugd veurop gaon in ut Moerlandj.

Linda: Ich, Prinses Linda dochter van Bert van Kamp Wialke en Lucie van Drina van Doere Wup, doon hosse en springe en daobieauch nog zinge.

Bert: Dèt wae allebei de Mès kinne deene en dèt wae inne kerk mieër lieëre as op sjoël.

Linda: Dene wae met zien veore, met zien tweeëje of allein, ut luptj altied as eine trein.

Bert: Dèt wae voetbalkampioen zeen gewore met oos team en dèt die auch good kinne carnavalle.

Linda: Dèt ich gaer doon zwumme en auch gaer ein leedje blaas.

Bert: Dèt ich bienao zoeë groeët bin as opa, mer dèt mien erm nog te kort zeen veur mien sjuuftrombone.

Linda: Dèt ich gelök hùb met mien lang vingers zoeë dèt ich auch ein alt-sax kin speule.

Bert: Dèt mien vader auch Prins is gewaestj, mer dèt ich mich baeter zal gedrage.

Linda: Mocht dit neet gans lökke, den zal ich hum aan ziene kraag rökke.

Bert: Dèt de maedjes ut thoës neet gemaekelik kriegte met die daag, want noeë hùb ich ut veur ut zègge.

Linda: Mer dèt ich as maedje en met de vroluuj vanne raad, kome wae auch stork veur de draod.

Bert: As vrinj handj in handj koes ich Frank as miene adjudant.

Linda: As vrinj handj in handj kees ich Eefje as miene adjudant.

Same: Same met de minse van Ell en de muziek van de jeugdkapel. Zette wae ut Moerlandj op ziene kop same house en danse wae de hiphop. Met oos adjudante en de Raod van Elf, den geitde carnaval vanzelf.

Same: Dit doen wae onger ut motto:

Laot ut belke mer rolle, wae zeen drie daag door ut dolle.

Moere en Moerinne:

Ich as Prins Frans I wil mich iêrst efkes veurstêlle:

Ich bin Frans Coolen of te waal Frans vanne Bus, bin getrouwdj met Gerda Derks, ein dûrske oet Meyel.

Ich bin vader van twië zone nl. Roy en Jeroen.

Mien dageliks wêrk is sôrviesmonteur bie de Buco, ein meubelzaak in Wloërt.

Ich wil efkes trök gaon nao zunig 14 januwari 1996, de daag dät ich as Prins waerdje oetgerope.

De daag zelf, mer zeker auch de daag derveur wore erg spannendj, voural oomdät ze steeds môst oplätte dät ze dich neet vorsprikst.

De vastelaovendj 1995 onger Prins Jos en Prinses Nellie, Jeugdprins Rens en Jeugdprinses Maud waas prachtig.

Geweljjig wie gae Moerebuuk heur gestoundj höbtj.

Ich Prins Frans I en Prinses Gerda en Jeugdprins Bert en Jeugdprinses Linda vraag aan uch Eller-minse auch weer dae geweljjige inzet.

Moerebuuk, den zal de vastelaovendj 1996 auch weerveur 100% slagen.

Noew sloet ich aaf met mien motto:

**Bliefse met mich doorzakke,
den moosse de bus pakke!**

Prins Frans I en Prinses Gerda.

Weurdje vanne Vorst:

Moerebuuk,

Nogmaals bedanktj. Gae höbtj veurig jaor van oos 4x11 jaorig jubileum ein waardig fieest gemaaktj.

Oos vereiniging zal altieët met hieël veul plezier trök-dinke aan al die geslaagdje aktiviteite.

Gae höbtj beweze dät de vastelaovendj op euch kan rekene.

Spesjaal is neteurlik de blievendje herinnering;

"De CD". Ich weit zeker dät gae dit prachtig stökske werk in iëere zultj haoje.

Voural neet vergaete môtte wae de inzet van de prinsepare, Jos en Nellie, Rens en Maud, adjudant en heur dames: ut waas aaf!

Bedanktj hievueur. Gae kontj met recht trots zeen dät gae dit jubileumjaor op dees meneer met höbtj gemaaktj. Grote klasse!

Dit jaor is ut iêerste jaor van de vijfde serie van elf.

Frans en Gerda met heur gevolg, Bert en Linda en alle medewaerkers staon veur de taak oom weer de gooje aanzet te gaeve.

Wao as vereiniging höbbe der alle vertroewe in.

Bezunjier bliej zeen wao met ut initiatief van ut Leedjesaovendjcomité:

Veurgooj inzendinge met ein prima winneras: Truus preficiat.

En veur alle inzenders, gaotj door.

De vastelaovendj is weer aanne gang: "Op nao de vijf maal elf!"

Vorst Jan.

Twieë kieër optocht ?

In ut kontaktblad van week 50 is ut veur de agenda vanne Moeërebuuk:
Maandag 19 februari carnavals-maondig.
Dinsdag 20 februari carnavals-maondig.
Maag noe de optocht twieë kieër rondjtrekke?
Höbbe wae weer kans oom eine pries te kriege?

Roadsel

Waat is de euvereinkomt tusse eine baby en ein verke?

Eine baby poeptj inne luijer en ein verke luijertj inne poep.



Pirke ekskursie

Aod Prins Lambert en Prinses Wies höbbe zich good aan heur belofte gehaoje.
Op 8 januari van ut aafgeloupe jaor kreeg de Raod van Elf ein zieër intresante roondjleiding door de Pirke-kwekeriej.



Ut begos met lekker koffie en vlaaj. En toen nao de pirke.

Allerlei stadin vanne pirke höbbe wae kinne zeen.

Alles waardje oos duidelik oetjelagdj waat der met de pirke gebeurtj, veurdët ze in ein duiske de Pirke-kwekeriej verloate.

Wies en Lambert bedanktj, dit haaje wae zeker neet wille misse.

Achteraaf bekeke waas ut mer good dët wae de koffie met vlaaj veuraaf haaje gekrege!!!



Mupkes

Twieë bädde veur daakloze staon naeve-ein. Zeet ut eine bäd tege ut angere: "Ich bin ins benoedj, weem vanaovendj de lates oetdoiltj?"



Twieë bädde veur daakloze staon naeve-ein. Zeet ut eine bäd tege ut angere: "Gaon wae vanaovendj weer ins lekker doorzakke?"



Vreugtj ut eine hoertje aan ut anger hoertje, "Waat vreugt dich aan Sinterklaas?". "Ut zelfdje as biejer eederein, f 100,00".

Verdachtje, voonj de inbraak plaats zoeë-as de officier van justitie zoeë juist heet besjreve? Verdachtje: "Nae, mer zien idee is auch neet slecht."

Eine noeëwe Slogan

Miek vanne Sijlder is sikretaresse vanne Geiteclub Saartje 7. Dees club heet auch eine Slogan: "As de Geit geit, geit de club".



Roondj vastelaovendj kreeg Miek ein broefke aangereiktj in ut clublokaal de Prairie. Hiej-in sting ein veurstel, oom de Slogan te wijzige in: "As de geit steit, wurdj ze gedektj." Dit waardje gevraagd oom de toekomst vanne Geiteclub veilig te ställe. De aanzenjer van ut broefke, waas ein zieër bezörgdj lid, dae eedere mörge ein eenzame geit zaag on huurdje!!!

Toekomstblik

Hub van Luute haaj al tiedes de optocht van '95 ein idee veur de volgondje optocht. Hae zoeëj al geliek zien optochtnummer wille gaon ophoole, oom zeker op tied te zeen. Dit oom te veurkome dët ut idee al is oetgewaerktj en klaor oom te starte en den ut optochtnummer vergitj op te hoole.



Ein ongelukske
met dees daag
det is om te verräkke
Laotj uch
van te veure bie
Knapen good dëkke



Zeet gae op zeuk nao stof,
gare of wol
Thea heet dao
de nieuwe winkel mèt vol



Zeuktj gae ein leuk
plantje voor inne kamer
of get zandjes om te poete
of eine sjoeine bos bloeme
den motj gae ins bie de
specialist op dat gebied,
Verhaag, aankoomt

Bie Siem
inne Bachelorclub
is ut good
Dao kriegtj-der
genôg Grolsch
in uch blood



In de kasse van Coolen
kintj gae komkammers hoole

Lekeken en
gezondj



Zeuktj gae ein struikske,
ein buimke of ein plantje
veur in de tuin of
achter de lamelle



bloome haojé van moere

Den motj gae zeker ins bie
Sjra of Linders aanbelle

Veur van alles en nog get

VASTIS

Bie Oasis vintj gae det
bloem - kunst - kado



Veur daagelike verse greuntje
hooftj gae neet wieët te laupe
want die kintj gae bie de
Veer Seizoene kaupe



Nog ein nagekome belofte

Tiedes de sleutel euverdracht waardje alle carnavalsvereniginge vanne gemeindje Hunsel door de Burgemeister en zien vrouw oetgenuuidj oppe borrel bie hum thoeës in Neeritter. Op 16 november waas ut den zoë vor. Ut raegendje iets en ut waas kaad, mer dët kôs de pret neet drükke. Ein serenade veur de deur van heur wuuning, woeë de Burgemeister met zien gezin oos al sting op te wachte. Binne in ut gezellige huusko sting de borrel al klaor. Ein Elske! Door de veurdeur eederein nao binne, vervolges door de achterdeur weer nao boeëte. Omdët eederein toch binne most zeen gewaestj. Daonao waardje der verder gefieëstj in de zaal van Cafë ut Dörp.

Halverwege de aovendj kwaam de groeëte verrassing, ein optraeje van Beppe Kraft, spesjaal veur oos gekome. Dao waardjo nateurlik oot volle borst metgezoonje, gedansjt en gesjoenkeldj. Nao aafloup nog same met Beppe Kraft oppe foto. Eine aovendj oom noeëts mieër te vergaete en ein hieël good idee oom op zo'n meneer ut vastelaoves-sezoen te beginne.



Mèt Jomanda inne wolke

Wies van Luute is hieëlemaal inne ban van Jomanda. Zoë heet ze tiedes ein optraeje vanne Janse Bagge Band in Neeritter, heur entree koertje laote instraole. "Ich stoong hieëlemaal veuraan bie de buun, zoëdot der weinig straole verloorde zeen gegaon", aldus ein opgewoonje Wies. En as of de haeling nog neet genug waas, kreeg Wies sjuust op heure verjoardaag nog ein woonjerlik cadeau. Ze kost same met VK de Vief nao Jomanda in Tiel. Sinds dae tied is Wies hieëlemaal inne wolke.

Wis djer al.....

Dët nao de danskursus op zunigaovendj, thoeës nog hiel gët geveerkeldj waerdj.

Dët woem neet waetj waat verkelle is, ut mer môt vraoge aan Toos van Thijs.

Dët men op ut kiene neet zoeë blij waas met de noeë oomreupster.

Dët ze de nummers of te snel of te langzaam aafroep.

Dët der den weer eemes waas, dae voonj dët ze neet te verstaon waas.

Dët ze de naam KIEN LIEN neet köst waar make.

Dët men hour daonao auch neet mieër inne zaal heet gezeen.

Dët de fomfaar allein mer inne zomer kan oëtttraeje in hour noeëw pekskes.

Dët ze door de flop met Fietsefreem allein mer korte boekse koste aansjaffe.

Dët ze bie de fomfaar minse hōbbe die good bie de tied zeen.

Dët heet zich beweze bie ut oetsjrieve vanne resepsiekaarte.

Dët de golfbiljartclub vanne Prairie auch ein outnuijing kreeg veur de resepsie.

Dët ze neet wiste dët die club al sinds 1985 neet mieër besteit.



De joonge vader

Frank waas pas vader gewore van eine flinke zoon. Oomdët Conny nog neet hieël de aoje waas en ze de kleine Flynn zelf deeje veuje, mos Frank de boeëdsjappe doen. Mer op dae boeëdsjappeliest sting auch dët der bie de Hema eine voedings-b.h. most hoole. Frank haaj al ins bieje ein paar vakke hieël sjuchter rondjgekeke, mer voedings-b.h.'s kost der neet vinje. En oom ein verkoupster aan te spraeke dët waas noe auch weer neet Frank zien sterkste puntj. Gelökkig dao zaag der ein paar dames oet Ell loupe. Met eine kop wiej ein boej heet der gevraagdj woe der zo'n dink kost vinje. Dees hōbbe hum van advies gedaendj en of Frank toen echt zonne b.h. zelf heet oetgezochtj en heet aafgeraekendj dët verteldj uch ut verhaol neet.

XX Derckx

Staalbouw
Derckx b.v.
Weert

Uche partner en
spesjalist in
staalconstructies



KABELWERK ? VAN GELEUKEN !



Veur speelgoed,
ein leuk presentje
of anger zaake
ze weite bie Govaerts
der uch waal
get van te make.



Veur ein lekker wūrstje
lepke of sjiefke
mer auch veur ein biefke
nao Ruud vanne Slegter

Nog effe nao
Sjoëenheidssalon

"Jeanne"

Zuus se der good oet,
den veuls se dich good.
Veuls se dich good,
den zuus se der good oet.

Wiltj gae eine gooe pot
beer en veul plezier.
gaotj den nao Nol
want dao vindtj gae lol.



Hultj gae last
van uwe spiere
in de been of inne nek
Den is Beckman
de juuste ples



Met die daag good aete !
Den motte wae zeker de
sjampions van Koolen en
Heijkers neet vergaete !

Wis djer al.....

Dät VK de Vief eindelijk dit jaor heur viefjaorig bestoan kinne veere. Ze zeen weer kompleet, Jean is trök in town!

Dät ut Jeugd Broedspaar twieë kieër is getrouwtj oppe zelfdje daag. Dit oomdèt ze de ièerste kieër neet good te huuro woore, i.v.m. ein geluidsstuuring.

Dät der veul moeëre inne optocht metlepe, veul moeëre langs de optochtroute stinge en veul moeëre achter en veur de rame hinge, stinge. Ut is echt ein moeërelandj.

Dät wae veurig jaor eine hioële sjoëne Kwakel haaje. Dao stinge aktivieteite in veur dit jaor. Woorom môtte wae repetere veur de boontje aovendje, as der gein boontje aovendje zeen?

Dät oppe Braderie in Ell gein laarze en gein Goiteclub te zeen waas.

Dät ut B.A.C. dit jaor echt ins op tied is begonne met vergadere.

Dät Wil van Hub van Luute eine hioële nacht heet môtte liplaeze. Ze waas ut helse kabaal vanne Janse Bagge Band in Itter neet zoeë gewindj.

Dät Jean van Sjaak vanne Slechter(jr.) in ut bestuur van ut jeugdwerk is gekome. Ze heet al geliek ein gooi beurt gemaaktj, kwaam mer efkes 3-4 oor te laot op ut jeugddanse. Oom half elf is ut jeugddanse al aafgeloupe, Jean toch!

Dät Wim van Kessel gaer verse neut heet en dät hae die elk jaor weer waetj te vinje.

Dät tiedes de country-middig inne Prairie ut idee us gebore om country-danse te gaon lieëre. Eine groeëte groep heet zich al spontaan aangemeldj, nl. inkel leje vanne Goiteclub zelf.

Dät op deze country-middig auch country spulle te koup wore. Wim heet zich te plotter gezoechtj nao eine veerkantje cowboy hood. Hae heet der werkelik ein puntjhoofd van gekrege. Mesjien is der mieër keus in Puntjmutse, Wim.

Dät Evert ein gemèkelik kaorelke is, woeëmet ze neet snel herrie kriegst. Mocht ut tooh zoeëver kome, pas den op. Zoeë gauw as der nao zien beurs griepjt, haod dich den mer vast. Dät is Evert zien wapen, dao zitj ut hum in Ein foto van Tjeu.

Stroaling

In april van ut aafgeloupe jaor zeen der versjillendje inbrake gewaestj oppe Seringestroat en oomgaeving. Bie Hub van Luute zeen ze gelökkig neet gewaestj. Dät kumtj vast en zeker door ut bordje aane veurdeur: "Inbraekers opgepasdj, dit hoos is ingestraoldj door Jomanda."

Investering

Marlies die runtj zoeëas gae allemaol waal waetj ein cateringbedrief. En met zoeë aaf en toe ein kood sjootelke te make werdj der auch nog eine nette cent bieverdeentj nao ut

sjientj. Want al snel genoeg most bouwvakker Paultje ein bedriefskeuke aanbouwe. Dao most nateurlik auch de nuuidige apparatuur in kome. Op eine gooje daag kumtj Paul thoes en ut ièerste waat Marlies zeet, "Sjat ich hōb vanmiddig ein aafwasmesjien gekocht". Oh jao, zeet Paul en wie breid en wie hoeëg is dēt mesjien? Jō, Paul dēt weit ich neet, dēt moste mer zeen as ut kumtj en oh jao, daobie hōb ich auch ein paar werkbanke gekocht, die kinse den drek met plaatse asse toch aant instalere bēst. En waat hōbbe die veur aafmaetinge as ich vraoge maag? Paul, vraog astebleef neet zoeë veul en zoeë technisch, dao hōb ich gein verstandj van. Mer ich waal, ich weit woeë ze geplaatstj mōtte waere en dao zeen toch nog waal enige maote aan verboonje. Trouwes wie kumse aan al dēt geldj hievueur, want dēt is mich nogal gēt as ich dēt zoeë huur. Oh jao, dēt mot ich nog vertelle, ich hōb miene auto verkochtj. Diene auto verkochtj dēt geit toch neet, dae hōbse toch nuuidig veur dien wērk. Jao Paultje, daarom hōb ich mich mer geliek eine noeëwe gekoohtj. Paul

begos noe toch al ein klein bietje te stamele, eine noeëwe auto? En waat veur eine maag dēt waal zeen? Dēt waetse toch waal hoop ich. Jao dēt weit ich toevallig waal, zeet Marlies hieël trots, eine witte! Van dit slum antwoord haaj Paul hielemaol neut trök en heet toen mer hieël wieselik niks mieër gevraagdj en hae heet mer stillekes afgewachtj tot hae de noeëwe aankoupe te zeen kreeg.



Zeekhoeës

Harry Seerden most nao ut zeekhoeës veur ein operasie aan ziene handj. Ein paar oor nao de operasie kwaam der langzaam bieje oet narcose. Hae woeëj drök nao hoeës belle oom te zegge dät alles good waas.

Hae pakdje de telefoon en beldje ieërst 99 veur de boetelien, hae huurdje niks, probeerdje ut nog ins en nog ins en nog niks. Toen zoet de buurman: "Meneer Seerden, as gae wiltj belle de telefoon steit aan deze kantj en of djer geliek woer de televisie op kanaal 4 wildj zette, want op kanaal 99 is niks op !!!



Roeëj eunje

Annie van Wiel van Toeëm haaj veur de kerst eine sjoeëne krans gemaaktj veur aanne veurdeur. Deze haaj ze versierdj met echte eppelkes. Toevallig wie dät ze dae krans aant ophange waas kwaam Minie van Dick Goldebeld naeve en stopdje bie Annie.



"Jao mer", zoet Minie, "die oppolkes zulle der neet lang inhange, bin ich bang". "Wooroom neet", zoet Annie, "die zal zich toch nemes metnumme". "Nae", zoet Minie, "mer de musse hole die hieël weg". "Dät wil ich ieërst zeen". En Annie leet de krans hange. Sangerdaags ging ze drök boeëte kieke en jaownal huur, de hieël oppolkes droet, allein de steelkes haaje de verrekdje veugel laote hange. Annie waas zoëë kwaod dät ze de krans aafpakdje en der opnoeëw verseering op deej, mer neet mieër met eppelkes, mer met roeëj eunje. "Zoeë", zoet ze tege Wiel, "as die musse noeëw weer kome pikke, den kriege ze auch nog de traone inne augell!".



Ein dink waat alle
Moerebuuk weete mooge
Bie Tjeu kinse ein
lekker glaas beer drinke
En det is zeker neet gelooge.

Laot Marlies
get veur uch klaormake
en laot ut uch
lekker smaake



Likt gae mèt
uche fiets euverhaup ?
Gaotj den nao Albèr
Want dao zeen ongerdeile
en gebroeëktje fietse te kaup

Siertegels of betontegels
ein stuupke of een paedje



Gaotj nao Wim,
det is de man
dae det veur
uch make kan

Kiektj ins get dekker inne
speegel van Tiny vanne kapper



WILTJ GAETNS DANSE
OF KRIEGTJ DER DORST
GAOTJ DEN INS BINNE
BIEJ ELLENHOF



De mik is dao zoëë lekker.

De vlaai is dao zoëë lekker.
Natuurlik bie Thijs, ooze werm bekker.



Kepper Variëte en Evenementen Buro

Kepper treudtj op veur jong en oud.
André & Connie organisere fietste
grootj en klein.

Openings, staats, persontelefoote en nog veel mieër



Eltaria




geween gezellig ... hartstikke lekker!

Veur eur dagelike
boeëdsjappe, mer
auch veur get te
paste of eine zegel
te kaupe, kintj gae
bie Mart en Hennie
binne laupe.

Kintj gae allein nog mer
veutje veur veutje
en neet heller,
gaotj den ins nao
Wies, Bep of Toos,
dاناو laupj-der weer
sneller



Is der get neet in orde met
eur kat of eure hondj
Snel nao de dierenkliniek
want dao make ze die
weer gezondj



Is euvernachte in ein hotel uch te deur!

Lantinga heet den
waal ein caravan
te heur!



Hubtj gae ein pekske
det weg mot vandaag of mürge
Laotj den de Koeriersdienst
dit snel bezürge



Vreemdje talen
liggen uch neet.
Den nao
Custers Taaladviezen.

Gooje wien heet gein krans nuuidig

May en Jos haaje zich eine cerreven gekochtj en dao moste se met de hieële
bubs met op vekansie. Ze haaje al zoeëveul sjoëen verhaole gehuurdj euver
Frankriek en dus waerdje auch dit heur vekansiebestumming. Ze haaje alles
met, boete de fieler, woeëdoor ze ongeveer 8 oor vertragung haaje. Mer ein
niesgaat dae doa op laetj. Alles bieein haaje ze toen ze dao aankwome toch
waal ein sjoëen plekske aan ut water gevoonje en ut waer kost neet baeter.
Noe waas dët plekske toch waal oetgekiendj door Jos, want gae motj weite, dët
hae nogal surfgok is. May voonj dët neet erg want den kost ze lekker inne zon
luijere. De joong ammesere zich waal. Mer zoeë aaf en toe most de aetes
veurraad aangevuldj waere, dus waerdje koers gezat nao de buurtsuper. Jos
most waal met want hae kost inkele waard frans. Ongertusse dët May zurgdje
veur de nuuidige boeëdsjappe bekeek Jos
der auch nog gët van zien gajing voonj.
haaj hae de wien ontdektj en dae waas
zeet der tege May, wae numme ein
en as vanaovendj de kinjer nao bed zeen,
romanties same ein lekker glaas Vin de
waetse auch waal zeker dët dit eine
nogal goodkoup. Laot dët mer aan mich
zoeë deur en volges ut etiket is ut ein
Zoeë gezag, zoeë gedaon. De kroost inne slaopzak en May en Jos onger de
sterrehemel aan de wien. Bie de iëörste slok al dacht May dët ze euver heure
nek ging,



"Mien god Jos waat is dët veur boecht, neet te drinke man." May, hae is
inderdaad gët zoor, mer dët is noeë einmaal eine gooje franse wien. Mer
waetse waat, wae doon der gët sooker bie. De sookerbus waas ongerhandj al
mieër dan half leeg, mer de wien bleef zoor. Laot mich ins kieke waat op die
fles steit zeet May. Ze keek en keek nog ins good en zeet laot mich den mer
gein verstandj hōbbe van franse wien en franse taal, mer ich kan dich waal
zegge dët op dit etiket steit dët ut azien is. As dit dien idee is van eine
romantiese aovendj, nou dan welteruste. Of Jos met May nao bed is gegaon,
dët betwiefeler wae toch ein bietje.

Titels

Jan van meester Zef heet der weer eine adelikke titel bie:

1. leërst Prins vanne Moeërebuuk.
 2. Toen Vorst vanne Moeërebuuk.
 3. En noeë weer Kuning vanne Sjuttorie.
- En Jan blijft der hieël gewuun oonger.



Höbtj gae ut al gezeen.....

In Ell wurdj de lëste tied veul gebouwdj en verbouwdj. Bart heet eine noeëwe stal gebouwdj. Boefie heet eine noeëwe winkel gebouwdj, groeëter gewore, de bekkeriej is groeëter gewore, de slechteriej is groeëter gewore, Elltaria is groeëter gewore. En Jan verstoppe zien hoeëskamer is groeëter gewore!!!

Effe raekene.....



Pak eur hoeënummer en vormenigvuldig dët met 2. Tel bie de oetkomst 5 op. Vormenigvuldig dët met de helft van 100, tel bie dae oetkomst eure laeftied bie op (as gae teminste oonger de 100 zeetj), plus ut aantal dage dët ein jaor heet, min 615. Van ut getal dët gae den kriegtj, zeen de lëste twee cijfers eure laeftied, ut cijfer of de cijfers daoveur vorme eur hoeënummer.

Reparaties,
auto's
twieëdehands
of noew



Gaotj nao
Garage
Heemels
toe



Wiltj gae uche vrachtwage
van ein anger kleurke veurzeen
den motj gae bie Peter zeen

minne service stelt alled veurtop
auch al stelt met dees dang alles oppe kop

Teniettechniek
Hub van Luite

Gezondheids
Tentbederfing
Stuurwering



In de appele
of in de paere
Laotj ze bie Koppen
en Moors mèr gewaere

LAC

leedjes aovondj comité

Volgendj jaor is der weer
eine leedjesaovondj!

Gae dootj toch auch mèt?



Wiltj gae thoes get sterks
drinke of zelf tappe
Den mot gae ins nao
Slieterie Bacchus stappe

Rabobank

Bie ôs kintj gae
mèt vastelaovondj
daag en nacht tappe

Veur al eur loeënwerk
Snel, good en neet deur



Dao hubbe wae Harry v/d Looy toch veur!

Rechtspraak

Ein paar ruig joonges van Ell woore in Hael op stap gewaestj. Boete bie zo'n broen café woe ze de nuuidige consumsies haaje genuttigdij, dao sting mich toch eine prachtige steine bloompot, en ze woore ut der euver ins dët ze dae good mot nao Ell koste numme. Mer neet mieër zoeë vast ter bein, veel dët neet met, met ut gevolg dët dae pot brook. Toen woore ze opins neet mieër zoeë ruig en waerdje der gezagd: "Laot mer ligge en make dët wae hiej weg kome vuurdët eemes dët zuut. Laot noe de kastelein toch wete dët dët gaste oet Ell wore gewaest, dus dae beltj nao Tjeu vanne Slechter. Mer dao woore ze intusse auch al kl..ten op gegaon, met de gedachte dao kome wae toch nog good langs. Mer juig noeëts te vreug is ein spraekwoord, want de name waerdje as nog opgespoordj en betaaldj most der waere. Geine noeëd joonges den doon wae of hiej de kous met aaf is. Ut vernaamste is dët ze der thoeës mer neet achterkome, want den is de baer los. Gelökkig haaj ein van de manne ein eige adres, zoeëdët men vanaaf dit adres alles in de minne kost sjikke. Mer dao is altied waal eomes dae dit te huire kriegtj. En den zulste zeen dët ut muuske nog ein stertje kriegtj. Nao ein paar waeke kroge alle betrokkene bie dees zaak ein gerechtelik sjrieve. Ze moste as nog oppe rechtbank versjiene op Maondig 2 oktөөber. Shit, dët is kermismaondig. Mer waat nog veul en veul erger waas, de brief waerdje op eeder postadres thoeës bezeugdj. Dus thoeës waas de rust auch danig verstuurdj en vele der hel weurd. Paniek en stress allerwege. Waat bleek noe achteraa? Ein paar grapjasse haje met terdege kinnis van zake ein offisjoel breekhoofd van Vrouwe Justitia naogemaaktj en ut sjrieve door de post laote bezurge. Mer toen de heldje tot de ontdekking kwome, dët ut ein geintje van vrinj ongerein waas pan. Zo woore zoeë "VRINJ" aan te klaage. Gelökkig hōbbe ze dit en ut weer bie gewaest toen sloog de vlam inne kwaad dët ze euverwoe oom heur weges valshoid in gesjifte. Mer hieöre bloompotversjouwens, as gae zelf inzeetj vour iets oet te hoole, den motj der auch zoeë sportief zeen, oom ein geintje te akseptere!



Winst of doktersraekening?

Zoeëas vermeldj haaj Marlies ein paar groeëte aankoupe gedaon. En moste der weer ein paar behuurlikke duita verdeendj waere. Mer ze haaj gelök, want inne zelfdje waek van oetgave organiseerdje Geiteclub Saartje 7 eine country-middig met buffet. De club haaj eine gooe country-band gekontrakteerdj, en ze verwachtje ein paar honger man. Gae begrioptj ut al, Marlies is bie de Geiteclub, dus zie kost dao met heur kreumke aeteswaar gaon staon. Zuuste waal, zeet ze tego Paul, as de noeëd ut hoeëgst is, is de redding naobie. Dus dao waerdje kilo's chili-conearne en liters goulash soep gemaaktj want dët geit der altied in. Paul dae auch waal wildje gaon loestere, mer neet zoeëveul geldj mieër in kontante haaj, dacht, ich hoof neet te gaon pinne, want Marlies is toch dao met de groeëte geldjkest. En as ut drök wordj, den mot ich mien sjatie toch biespringe in heur werk. Dus aan ein tientje hōb ich genoeg. Mer auch de Geiteclub haaj auch wie de fomfaar boete de waard geraekendj. Ut waerdje eine hieële gezellige middig, mer helaas mer tientalle bezoekers. Mer hiej waas neet allein Saartje 7 ut kindj vanne raekening, mer auch Marlies most deeper inne buidel taste oomdët de dorst van Paul veul groeter waa, dan de honger vanne aanwezige. Dao bleef ut neet bie want nao drie waeke haaj Paul ein heftige goulash-allergie en ein hevige chili-ontsteking. Mer van Paul kinse noeë waal zögge dët der hieël veul van Marlies hultj. Ut spraekwoord is toch dët de leefdje vanne man door de mnaag geit? Nou den!!!



Ongernummers fleëst

Aafgeloupe zomer haaje de Eller ongernummers eine gezellige fleëstaovendj oppe bougelbaan. Dao waerdje gebeugeldj, spelle gedaon, gët gegaete en tussedoor mer veul gelache. Op ein gegaete moment zeet Francien, de vrindin van Thijs oore werme bekker, tege eine mins dae ze dao nog noeëts gezeen haaj. "Waat voor functie höbtj gae hie, dët ich uch nog noeëts gezeen höb?" Woeë op dae mins zeet: "De groeëtste en mesjien waal de zwaorste, ich bin nemelik de Burgemeister van de gemeindje Hunsel."

Wis djer al.....

Dët ut klene nog steeds in trek is.
Dët daarom Sinterklaas drie waeke op riej is gekome volges de gezet.
Dët Lex van Leon en Anneke Camp auch zo'n kapsel wiltj as opa Dick.
Dët Truus van Lins vindj dët ze bie Vanderfeeste foto's make, woeëdët ze mager opsteist. Mer Truus waat wilse auch asse neet dikker bëst.
Dët der in 1995 veul Sara's en Abrahams woore.
Dët der in 1996 auch weer veul aane beurt zeen.
Dët u steefelgoeëje oppe braderiej neet is doorgedange, woeë waas de organisator, waas dae ut vergaete? Of waas de plaats neet good?
Dët der weer op veul plantse in Ell is ingebroke ut aafgeloupe jaor.
Dët bie Bart met aod op noeëw ut vieë waas oetgebroke.
Dët hae meindje dët ze ut weggehaoldj haaje.
Dët der nog steeds gët aafgebouwdj & verbouwdj weurdj oppe ebastiaanstraot.
Dët Jos eine sjoene Prins waas en zeker neet te vergaete eine gooje.
Dët de roeëj heudjes ut good gedaon höbbe inne optocht.
Dët de boorebroeloft good gewaest mot zeet ut aafgeloupe jaor.
Dët ze dët dang der nao nog in Ell oppe stoep kost zeen.
Dët de Jaegermeister toch waal lekker is gewaestj.
Dët ut toen waal verdomtj slecht waer waas, want wie ut broedspar most aafgehooldj waere weidje dich de parapluuj dubbel.
Dët de C.D. presentatie veurig jaor good geslaagdj waas.
Dët dit jaor ut leedjes concours aovendj auch ein sukses maag waere.

Dët de fomfaar kampioen is gewore op ut conkoers in Kerkrade.

Dët dit ein gooj prestatio waas met zoeëveul noeëw jeugdleden.

Dët de biljaarders door de fomfaar gestuurdj zeen, wie de rondjtocht vanne fomfaar inne Eller café's waas, nao ut behole van ut kampioensjap.

Dët J.W.E. sjoen kalenders höbbe verkocht.

Dët de tekst bie de maondj augustus neet kloptj, aan de rechterkantj ligt Nieshoof, en de foto is gezeen vanoet de Hoeëgstraot.

Dët Tjeu 65 is gewore en dët veule met hum dit höbbe geveerdj.

Dët Truus en Lins good kinne danse.

Dët der hieël gët weurdj aafgedansd in Ell.

Dët bie Nol lëst Country-danse is gewaestj.

Dët de Geiteclub nog lang chili-concarne kan aete.

Dët Meuleveldj tweeë de iërste lanjingsbaan heet gekraege, oppe Craenestraot.

Dët in ut kontaktblad nog steeds steit bie agenda 18 fibberewari carnavalszunig. 19 fibberewari carnavalsmaondig en 20 fibberewari carnavalsmaondig. Maag de optocht tweeë kieër rondjtreäkke. Höbbe wae den auch tweeë kieër kans oom pries te hole?

Dët Noortje van de Geyn de 6000ste inwoëenster van oos gemeindje is.

Dët det echt gein geintje is.

Dët B en W op bezoek zoeëj kome en dët zien vrouw toen meindje dët ze eine BMW kreges.

Dët der in Ell sinds 1 januari nog ein good loupndj winkelke leeg liktj.

Dët ut de voetbalclub veur de windj geit of höbbe ze de windj met.

Dët ut windjbuks sjete inne Eller Café's ein sukses is gewaestj.

Dët nemes zien persuinlikke sjeut aaf haaj.

Dët de volleyballers dit jaor niks geks höbbe metgemaaktj, nao oos wete.

Dët as dët waal zoeë is, dët ze oos dët op ein anger jaor laote wete.

Dët Tjeu vanne Slechter de kerst vreug in haaj.

Dët der toen de paoshaas auch op bezoek heet gadj.

Dët de vrouwboondj van Meyel noeë al met de henj inne haor zitte, tege dët die van Ell dao op bezoek gaon, want in Ell waas ut grandioos.

Koersballemiddig:

Op eine maandig in november waas ut gezellig koersballe bie Siem. Z'n twintig speulers wore aanwezig. Toge de klok van half vijf zaag ut der nao oet, dät Sjeng vanne Hannis kampioen vanne daag zoeëj waere en Sjeng Lenders dät toge zion vrouw Mieke, dät oppe anger baan aant speulo waas, ging zëgge. Mieke: "Den kriegse vanaovendj auch ein sjuuf paeperkook. Sjeng." Dinsdig, daags nao ut groeëte sukses, want dät waas ut, vroeg Sjeng aan Sjeng of de paeperkook gosmaakj haaj. Toen zeet Mieke, dät der de paeperkook neet gelöstj haaj. Woeë dät aan gelaage heet wete neet, alte veul gehadj, snuiknaas, neet lekker genoeg? Weem zal ut zëgge!

Wisdjer al.....

Dät Mieke Sjeng 7 puntj aafpakdje met koersballe (dät kan) mer wie verder de daag of de aovendj verloupe is weite wae neet.

Dät Harrie van Siebe 37 puntj goeëdjje met kogeles, mer den müt der waal ieërst ein paar pilskes op hëbbe, den leutj der al zien concurrentie achter zich. Dät Truus van Koos van Nies ut leedjesaovendjconcours gewönne heet, met ut loedje "veutje veur veutje".

Dät veul minse van Ell de naam vanne Prins 1996 geraoje haaje.

Woe zoeëj dät door kome.

Dät Elltaria opnoeëw geopendj heet, mer dät wae meine dät der neet toe is gowaestj.

Dät de Luchtfoto van Ell, die veurig jaar bie de Kwakel zaat en oppe resepsie oetgedeildj waerdje mede tot standj is gekome dankzij de kasteleins van Ell.



Veutje veur veutje



Refrein:

 Veutje veur veutje
zoeë komme wae hieël langsam dao
 Veutje veur veutje
on de hieël familie kumtj òs achternao
Dit is pas laeve
allemaol gezellig handj in handj
Drie daag polonaise
door ut moerlandj (2 kieër)



Nao eedre stap get korterbie
en achter mich luptj ein hieël lang riej
Ut geit neet vlot en neet te snel
mer van det laupe bliefse lekker prel
Dao kumtj get aan, det zingtj spontaan
kumtj noe mer allemaol achter mich aan
En ederein van groeët tot klein
det is de hieële aovundj oppe bein



Nog effe rondj det is gezondj
Wae doon de veutjes vanne grondj
Gaotj ins oppe ziej, loatj mich der bie
en zoeë kriegse wae un hieël lang riej
Op miene kop det is ein fait
dao staon waal twintigjig doezend dröppels zweet
De slinger kumtj lekker op gang
Mer neet te vlot want ut deurtj nog lang

